



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四八二

思茗齋集十二卷附題詞一卷 宋咸熙撰

一

香蘇山館古體詩鈔十七卷香蘇山館今體詩鈔十九卷 吳嵩梁撰

一三三

香蘇山館文集二卷 吳嵩梁撰

五二七

坦室遺文一卷坦室雜著一卷 李文桂撰

五六一

思適齋集十八卷 顧廣圻撰

六三七

思適齋集補遺二卷附補遺一卷 顧廣圻撰

七八九

思茗齋集

思茗齋集敘

庚申辛酉間吾鄉阮侍郎出撫浙江延予至其文館席
宋生小茗適來監院事視其人厚重寡笑言無幾相
儼之習心異焉居久之始出其所著書就予商榷然後
知小茗通經術初未識其能詩也時中丞於孤山南麓
闢詒經精舍擇舊所識拔士才能尤異者三十二人肄
業其中中設一龕祀許鄭二先師命小茗爲諸生祭酒
每課必有擬作其五七言古詩輒爲諸卷冠冠然後知小
茗復工吟咏亦未識其卷帙如是之富也生爲吾友茗
香助教子既淵源家學而胸中復能醞釀數百卷書故
其少年之作已能清高深穩衆體美備遲之又久更不
知所造何如然詩特小茗餘事吾願生益勤求實學俾
三十二人之業有所裁成他時各出其撰述傳播人間
固予之所厚期者爾老懷岑寂重到西湖前之精舍中
人已有煙霄得路者而生猶淹滯冷官思親雪涕名其
集曰思茗其志亦可悲矣

嘉慶乙丑三月既望八十二歲老人青浦王昶書於錢
塘寓廬

乾隆間仁和宋茗香先生以詩鳴都下手定學古集僅百數十首其學自三百篇漢魏至唐李太白止讀其詩未嘗不想見其人越二十餘年嘉慶丁卯余主試浙江乃得其子小茗小茗屢躋場屋鄉舉日已年逾四十矣越歲禮闈罷歸中秋對月憶友人有畢生文字誰青眼同輩英雄半白頭之句余甚感之庚午余假歸省親道出杭州畱連兩旬小茗常與文字飲因得其集閱之謂真茗香先生之肖嗣也越十又四年癸未冬杪余陳臬浙江遷黔藩述職北上甲申歲旦舟至鴛湖有小艇如葉中坐老翁迎風而來視之則小茗也桐溪山水大佳

思茗齋集敘

一

昔蓀盤殆將終身乎過舟握手卽詢其所爲詩則已衰其前後所作得十二卷余次第閱之前卷少年所作沈博矯變往往自發其嶽崎磊砢之氣壯年以後與道大適後卷詩格愈老而人亦與之俱老矣茗香先生之學自三百篇漢魏至李太白止而小茗卽以太白起太白之詩原本風騷凌躐鮑謝小茗能以肖太白者肖其先人故曰茗香先生之肖嗣也集名思茗其以此歟獨怪小茗神氣清夷雙眸炯炯使其迴翔清秘黼黻潤色必有以自見乃困於冷官然其酒酣耳熱不平則鳴放浪山水矢志澹泊亦無不可見小茗余丁卯之役得詩人

三小茗而外如秀水汪篸溪世樟一行作吏此事遂廢矣山陰王立方衍梅春官一第薄遊嶺海不見已逾十年詩文多散佚余欲求其集刻之未果今敘小茗集益思二子不置也道光甲申冬十月南海吳榮光書於黔西藩署之聽雨軒中

思茗齋集序

三

廣文小茗宋先生刊其所著詩若干卷竣以畀炳垣且曰僕之於詩甘苦惟君知曷爲序炳垣孤陋不足以知先生詩辱命不敢辭乃再拜而言曰世嘗謂詩必窮而後工豈篤論哉然爲是說也必其人如歐公所云蘊其所有而不得施于世自放于山顛水涯見蟲魚草木風雲鳥獸之狀類往往探其奇怪以發其憂思感憤之鬱積夫是以愈窮則詩愈工若先生之詩則非盡窮而後工者也先生性恬淡不事榮利喜讀書先人助教公積學砥行以聞于鄉官京師歸旣老名益著其詩皆手自定以高古超雋爲宗先生承家學故于詩也削而峻樸

思茗齋集敘

四

而能質脫去町畦而獨味乎深永雖復放于山顛水涯卒未嘗有憂思感憤以寓諸蟲魚草木風雲鳥獸之中然余謂詩之工不足以概先生行已之大當助教公負盛名自公卿以至封疆大吏無不願折節交使他人處此勢必庇其餘蔭左提右挈則美仕可立致而先生以一諸生步趨其間獨能守家學以道自厲無幾微榮利撓其心試禮部再黜遂爲冷官我邑舊多桐故名桐鄉父史二山聳其南長河繞其北人物樸靜居城市若村野學署在城東北隅地益僻庭前紫藤一樹夭矯如虬蟠狀間以修竹數十竿先生擁烏皮几列書史箸述弗

倦有時吟聲徹戶外固甚樂之然則由前而觀先生若不盡必窮者由後而觀先生則固窮者也又安知非有所甚得于其中居之安而資之深顧能如是耶是詩之工卽不足以概先生行已之大而讀先生之詩者亦可因其所作以想見其爲人况垣與先生其相知爲尤深哉或曰先生居仁和之塘栖業素饒以讀書故家中落今且窮矣而詩自工是言也其知先生者耶其不知先生者耶

道光五年乙酉上巳日愚姪沈炳垣謹序

思茗齋集敘

五

咸熙自束髮受經卽喜聲律先君子訓之曰汝亦知作詩之難乎胸無典籍而強吟詩如鄉里小兒之學語適足以博一笑而已易以作卽難以傳見且多讀書毋亟亟於此顧性之所喜猶時時爲之追先君子宦游歸四方名流雲集咸熙竊聞緒論始知作詩之難因將前業煨去有作亦不敢示友朋矣年近三十屢躋場屋每報罷必數月病病中無以自遣益時時爲詩先子以此事之未可率易爲也每一篇成必爲之嚴改竄示宗旨業遂稍進自嚴父見背奔走依人喜作詩仍未能多讀書欲追蹤風雅豈易乎難之以示友朋猶不敢曷敢問

思茗齋集敘

六

世惟是半生來游宦所至見聞所及與夫性情嗜好悲懼離合其見於詩儻不及今詮次恐負先君子教誨之心今歲春爲予六十生辰適因同學之請鐫詩爲壽爰加訂正以付梓人明知傳世甚難祇爲人增一覆瓿之具然誼甚厚不能止也所惜文章宿儒零替略盡老友如柳村雪廬諸君貧老而病居各異縣具傳詩之眼未能芟定予詩爲愧悵不置云道光五年陽月上澣書於桐鄉學署之味三味齋

思茗齋集目

- | | |
|-------|------------|
| 卷一 | 古今體詩八十六首 |
| 卷二 | 古今體詩八十八首 |
| 卷三 | 古今體詩一百三首 |
| 卷四 | 古今體詩九十四首 |
| 卷五 | 古今體詩八十九首 |
| 卷六 | 古今體詩一百一十二首 |
| 卷七 | 古今體詩九十五首 |
| 卷八 | 古今體詩八十五首 |
| 卷九 | 古今體詩九十三首 |
| 卷十 | 古今體詩八十七首 |
| 卷十一 | 古今體詩九十九首 |
| 卷十二 | 古今體詩一百十首 |
| 附題詞一卷 | |

思茗齋集目

十

評定姓氏

桐鄉 陸彡石 元鋹

桐鄉 汪澹穎 濬

秀水 夏守白 儼

石門 施少峯 嵩

武康 徐雪廬 熊飛

太倉 王丹生 槐

仁和 張晴厓 迎煦

桐鄉 沈曉滄 炳垣

校刊姓氏

△姓氏

海昌 馬古芸 錦

石門 馬乙葵 煥綸

石門 蔡硯香 載樾

桐鄉 張夢廬 千里

桐鄉 吳松雨 書森

石門 顧璞亭 丙南

石門 吳梅岑 玉森

桐鄉 沈胎簪 淮

桐鄉 曹鳳謨 承勲

仁和 勞香雨 經源

二

桐鄉 沈夢華 滄

烏程 程茶山 荊

△姓氏

三

思茗齋集卷一

仁和 宋咸熙 德恢

白紵詞

江南璧月窺簾櫳美人馭月來雲中金搖玉拍俱玲瓏
近猶縹渺難形容春風吹腮桃半紅茵茵倒垂煙煖籠
欲卻復前無始終袖長誤拂如轉工客飲一石何恩
汝南鳴雞驅早空不知旭日升曉曉

西洲曲

葦蕀鎮彼美涼生洲上水水驛去來波四面他鄉多他
鄉渺何處遙連故鄉路西曲六萌車西都白鼻驕空將

思茗齋集卷一

一

可憐事付與莫愁家秋風催朝飛秋月烏夜啼腸中車
轉輪口中闕衙碑誰使相思苦長橋鐵鹿子叶如何送
汝去不來迎接汝望望入房櫳高樓下十重回頭忽如
見熟視阿侯容

雨後

雨聲初住水平谿門外楊花濺作泥睡起提壺沽酒去
亂山青過板橋西

偕孫譜嚴同賈飲吳山酒樓

一笑大江橫登樓自送迎江侵吳地窄樓瞰越山平放
浪辭青紫交親作弟兄當筵忽無語轉觸別離情

表忠觀

十四州開節度門淮南那得自言尊錦衣何意榮屠販
鐵券翻愁誤子孫楊側使來猶按劍塗中封啟敢分藩
珠宮坏土今安在不及髡蘇碑獨存

飯後谿行

柳花飛飛上酒瓢谿頭乘醉揚輕橈試蠶天氣罷來往
一箇黃鸝鳴過橋

寄懷王默齋秀才

我無媚骨難諧俗君有豪情祇閉關問字客攜千斛酒
吹簫人映一樓山尙嫌紫府仙官苦不及青門處士閒

思茗齋集卷一

二

聞道新詩今更好耽吟莫損舊時顏

讀項羽本紀

智謀如子房慮不及太公太公脫不幸俎上烹匆匆曷
不贖太公請命惟所從所得悉獻楚不失侯王封縱使
成匹夫其樂亦融融天心苟屬漢復國掌握中豈非仁
孝盡遐哉漢道隆

天不生項王漢業亦孔艱天僅使滅秦取代不與焉楚
漢難兩雄天心非不憐自知天亡我如代天之言從容
笑就義智勇天所全至今垓下歌氣敵歌風篇馬遷良
史才本紀列漢前漢將忽又反逆天無其賢

書淮陰傳後

豪傑並起時誰其識國士設壇拜大將一軍皆驚矣豈必慮蒞臨士爲知己死奈何偽遊詭計忽自陳平倡賤爵竟與絳灌齒何異郎中都尉遇怨望之言從此始所恨祇爲女子賣不然戮之鐘室亦屬尋常耳

超山下幽居

白雲隱茅屋終歲客來少主人亦蕭閒呼童莫誤掃

南山探梅憩學公房

枯樹逢春華枯根露淺沙東風昨夜至吹破兩三花溼翠潤如沐輕雲薄未遮山僧情爛漫只勸酌流霞

思茗齋集卷一

三

譜嚴五兄之淮上過訪小山堂卽言別

出門不向妻子語卻共故人話愁緒貧來纔覺讀書難夢裏未忘謀食苦君才偶儻無等倫慨然去逐江南春壯心那肯老鄉土廉吏從來誤子孫此身放浪復何有未能騎鶴寧屠狗麟士山中未成市馬卿壚畔羞沽酒坐惜年華如水逝閉門窮餓談何易疎狂誰問客何能蹉跎只恐儒爲戲離愁從此滿煙波一葉輕帆似鳥過佳侶幸逢狂杜牧多情苦憶病維摩古誼眞堪風去流俗憐我輟駒何局促交親久作弟兄看潦倒但將眠食屬楚尾吳頭去路遲須知湖海有心期可堪王粲辭家

日正值衰安臥雪時孫郎孫郎天下士別離祇爲飢驅使歌慨懷兮淚不止千里依人竟行矣

行腳僧

野鶴與孤雲天邊伴此身鐘殘萬里夢杖掛六朝春放浪餘禪味荒寒破客貧蒲團藉芳草卽此是前因一身皆長物兩腳是生涯有鉢不愁餓逢山便當家踏殘天外月看過江南花幸未早成佛好將風景誇

紅豆次韻

生來何事感人深探向南天嘉樹林蚤雨滴殘嗟鳥血春風吹出美人心摩挲有意支頤看板觸無端擁鼻吟

思茗齋集卷一

四

欲寫相思思轉苦歡悰如夢杳難尋

泛谿

興來理遊屐信步猶疎慵不如泛小艇坐臥惟所從意適體亦情愧見陸上農岸回人語寂依然半推蓬魚游柳陰下鳥鳴花香中舟子顧而樂搖搖但隨風豈知船頭轉佳境忽再逢

西湖秋柳詞

西風不管別離難蕭瑟旗亭戒曉寒莫復歸來怨搖落有人猶在異鄉看

荒堤羸馬幾經過不待聞歌喚奈何嫋嫋涼颿吹木葉

美人遙隔洞庭波

歌板還喧古渡頭，總宜船裏亦宜秋。聞愁欲訴人應笑，且趁斜陽上酒樓。

贈鄭十七秀才

入門忽詫髯如戟，十載重逢愁頓釋。嫺嫺猶餘使酒氣，賤貧未折封侯骨。幾處莠生伯有門，羨他草滿羅含宅。蕭閒不作冶家傭，放浪或遭虞侯責。鄭君鄭君看爾富，貴自有時如何三十尙苦飢。寒迫未居吳市，亦吹簫善吹久住長安。擬射策三河，少年衆相侮。五陵俠客交誰結，安得有錢盡擲酒。城旁與我無時不醉春風陌。

思茗齋集卷一

五

放言

長松忘孤直，志士忘苦辛。和光向里閭，中心不可干。大儒猶揮椎，曾參或殺人。九疑盡相似，焉能辨其真。眞僞祇自知，雄雌不復論。

下士慕榮利，終身在樊籠。四時既循環，安得皆春風。青山若肯長，培塿還穹窿。豈無卓犖志，而憂身困窮。誰知天壤間，飢寒誤英雄。

驅車上北邙，悔不早學仙。學仙不可得，何爲少歡顏。黃金供人樂，願人飲爲年。遐哉曠達人，俯仰早自憐。無稱君子疾，虛名豈徒然。蓋棺越晨夜，姓氏已不傳。

狂狷得大畧，何異生成周。匹夫有知己，更勝客諸侯。嗟哉意無窮，腸決黃河流。富貴如神仙，可遇不可求。七貴儼謝病，豈異尋常人。當時請謁者，覲面不復親。所以繁華子，忘生逐腥羶。憶昔我生初，子然惟一身。此外本非我，昧者目以眞。

薄暮靜居山房觀荷

招遊過曲院，潭影喜相將。湖夕天然濤，花秋分外香。葛衣輕自好，竹閣晚生涼。摘取新蓮實，歸舟醉一觴。

獨酌有懷

不見山中人，自酌蘭陵酒。幾日雨空深，出岫雲歸否。

思茗齋集卷一

六

湖堤晚步

晚湖煙景最宜秋，斜日何人更放舟。萬頃波光平似鏡，不知猶剩幾間鷗。

贈王鍊師

貧傲一房山，終朝祇掩關。葛衣秋後煖，仙籙醉中刪。守默無凡想，抱冲堪駐顏。娛賓采松子，猶捷似猿攀。

宋徽宗畫廳

庭鳥欲下忽高翔，回頭瞥見鷹軒昂。英姿逸氣誰寫出，當中御押懸輝煌。宣和工畫重畫手，應詔有人來四方。丹青纔集五嶽觀，千戈旋滿半駝岡。此時胡不寫杜鵑。

之嘅血何不寫燕雀之處堂金題玉毀誰愛護可憐一
紙俱滄桑秋風吹寒塞草黃厲爪欲動神飛揚安得下
轉去妖鳥俱消亡傳忠貞孝之碑出誰手九哥竟忍無
倫常杏花鸚鵡歸何處莫向枝頭問上皇

徽宗題畫有杏花鸚鵡詩

懷范八塞外

何年得見監陽晨四野穹廬寄一身大雪滿山門到虎
雄風捲地奮逢人海探星宿平沙盡境息干戈古塞春
其慶 太平無限樂椎牛莫禁酒千巡

遊超山黑龍洞

仙鬼不敢入龍若蟄其內雷霆不敢出龍若遊其外出

思茗齋集卷一

七

入者誰子顧影各吁怪腰縛牽竿長手握燃炬大直視
晦障目側走石齧背擬穿江底出礙頂厚壓地潺湲忽
泉響來去脈盡閱倦龍石牀淨寥闕易成寐嚙語駭衆
伴大叫有龍在

懷吳衛亭

應奎

憐君如落葉入世只秋風狂直朋儕忌清貧門巷空娛
親惟救水有妹亦英雄此日青山畔紫芝生幾叢

聞臺灣警

伎錢帳布集雕題地不虛空易勃磔談虎客多添鬼蜮
射蛟人遠立鯨鯢幸逢陶侃官南越莫遣孫恩近會稽

早晚牙旗 天上落飛橋忽已駕虹霓

余六書來傳聞徐丈葆初遇宮臺灣

書到鬼神驚傳聞屬賊聲參軍誓許 國志士義成名
窮海殘魂度秋風一紙生淚零忽皆裂恨未守孤城

復得徐丈逃難消息

淚眼忽逢春何來隔世人卻緣傳已誤轉恐信非真仙
骨留三島天心贖百身江鄉今夜夢先與話酸辛

過田間作

伊昔隨飛塵獨往忘合否豈以託隴畝而乃厭勞乏牛
羊臥芳草相望意已愜既絕臺館華更屏冠蓋集竹杠

思茗齋集卷一

八

隈隩通茅屋雞黍接抱此古風厚悟彼浮世狹棲尋表
幽蘊緬邈眷匠匠廣陽綠自繆近溪青可哀阡陌苟怡
情絕勝朋簪盡微雨行來歸翼與荷鋤鋤

聞官軍收臺灣

扶桑氛祲散朝暉 賜露持來 玉殿尊上將飛營船
似馬相公開府海爲門控弦雨下三簾疾揮扇煙消萬
戶屯誰向黃櫨驅宿衛豪雄那更數劉琨
裝紇不使日盈旬賣券還虞遍水濱豈盡逆謀同寶應
肯容妖霧逸盧循路歸題鳩聲中客鋤荷枕柳影裏人
始信秋毫肅軍令澎湖飛不到纖塵

喜動天心 褒壯猷雲臺耿賈總難儔生來將種原
諸武前度勲臣早拜侯三島投膠波曠蕩七閩唱凱烏
鈞駟曹參最是能休息滄海從今斷橫流

內兄陳寅士震亨歿哭之以詩

命共塵緣斷生前空出羣雄心縛熊虎靈氣化煙雲
紙招新鬼開箱檢舊文更誰憐弱弟中道雁行分

施報寧應爽休嗟賦命窮畢生艱一第再世必三公
俗無聊讀書不輟每日經濟江湖上文章涕淚中九

原逢杜默攜手哭英雄

無家回更苦傲屋候同居話雨平生志經冬一紙書

思若齋集卷一

九

書來相約 就屋同居百年存傲骨萬里戀歸廬搔首天難問臨風
徒歎歎

岳忠武王墓

當年恩寵冠諸韓自聽讒言禍百端忠烈一門真克肖
江山八主竟偏安神驅白雁威猶震近黃龍到轉難
聚鐵鑄茲難鑄錯好教千古佞人看

九月十六日夜陳易生鴻壽高惺泉日清吳鎮香

尺帛大楷秋藤大榮昆季集湖上寓樓次易

生韻

聽雨到湖上杯中雲氣浮蒼茫期舊好縹緲立飛樓把

管先呼酒披懷不離秋羨他垂釣者終歲宿扁舟

前詩意有未盡再疊前韻成五首

幽人何所似來去白雲浮風雨雙遊屐乾坤一寓樓夜
寒難入夢詩淡不勝秋卽此煙波好如何未放舟

時疑

雨歇夜纔半蒼茫淡月浮未呼青雀舫且醉白雲樓

雲日白幽抱開良夜清談愜素秋不須還夜泛已喜屋如

舟

湖波湛不流山影遠疑浮夜靜風在樹月寒人倚樓長
空孤雁度野店一鐙秋更擬看冬嶺來搖雪後舟

思若齋集卷一

十

飄泊竟何事閒鷗到處浮誰憐今夜雨同聚故鄉樓壯
志看長劍深情怯暮秋天涯重回首猶有未歸舟

柳橋俱客 遊未歸

漏盡雨仍滴曙光何處浮寒花爭弄影疎柳不藏樓客
破終宵夢湖涵萬頃秋曉鐘催又急待上采菱舟

雜擬一首

新婚倚泰山懽會宜及時同心欣所託豈願守空帷如
何百年內有此生別離別離豈云樂遊子將安之妾心
如磐石妾質如兔絲兔絲難蔓延根株土中滋但得遇
陽春不受雨露私舉頭見明月照我長相思

漁歌

烏牛聞比舊時長黃鶴不知何日飛

烏牛黃鶴俱故鄉山名

騎牛都弗願醉中祇踏白龍歸

春來收網移魚具搖艇江南煙水邨小婦張帆兒捩舵

桃花多處定銷魂

凌晨一枕夢華胥起作羹湯勝翦疏多少朱門回首望

幾時已歎食無魚

無門詞

石壁曲如簪遙遙答誰拜紆迴繞逶迤衹離闕深迷萬
木粘壁牢石髓潤蒼翠泉流溢鸞環樹影含澗瀨石笋

思若齋集卷一

士

迸屋中端正得位置根削挂山骨面凹受佛背平生愛
寥闊幾人穩高寄焉得此禪林慨然乞我輩

紫雲洞

弱雲偶狼藉閱久凝質堅恐被月穿脅有罅不敢鑄細
竅嵌瓏璫石氣流蕭然石妃顧我笑修蛾揚聯娟巧匠
奚能斷俗目豈受憐佇立獨徘徊頓使塵慮捐

送人還金陵

隱侯此去始歸閒笑向滄江破醉顏雙槳落花三月渡
短筇孤寺六朝山聚聽說劍來豪士偷學吹笙有小鬟
名列蓬瀛仙亦苦何如遊戲在塵寰

孤山

修眉拭螺青秀冶自軒舉巋然界湖中秋顏潛孤嶼野
香散餘芳老鶴守欄戶空亭闕無人落日颺颺語
清腴遠岫月靜照山靜臘遺祠緬芳躅桂漿際尊孟霜
林童自掃野鳥爭相呼出蘿恣幽討寒泉尋僕夫

邊馬

伏處清時志未伸一朝昂首出郊關天邊苜蓿鄉關思
身上桃花古塞春隴坂盤空高逐鳥平沙盡日偶逢人
玉鞭歸渡虛溝水好洗長城萬斛塵

思若齋集卷一

士

重關突出箭難侵風雲長護三花印鷹犬安知百戰心
那肯蹉跎填外廐空留駿骨市千金

安西都護著先鞭待聽鑾歌奏凱旋衛霍黃雲寧厭苦
踏殘白骨轉生憐玉關出後羣安在銅柱標來革始全
何日賣刀還買犢戰場處處變膏田

歷盡崎嶇氣益增縱然齒長憤飛騰寒衝紫塞千秋雪
穩試黃河十月冰畫角驚心猶傲壯斜陽頽影敢驅矜
請纓有客嗟無路轉笑輪他託尾蠅

偕陳晴巖傳經登紫陽山

巖館傍山麓層邱偶延睇登頓道未紆朝遊暮可繼微

雨行亦佳況更值晴霽洞宇豁瓏玲白雲互虧蔽鮮葩
發露甸芳澤散石砌升眺見西興遠樹粘空際青山庇
隱淪靜者類能契隙駒不我留雄心空奮厲百事任蹉
跎不如營一醉俯仰陂陀間寒煙撲衣袂

古塞下曲

秋氣肅重轡征人倚馬看河聲近塞咽烽火入邊寒夢
寐忘鄉國勳名恃將壇主恩何以報努力滅樓蘭

游俠篇

居不必白玉堂使不必彫鵲倡劍光如星飛飛墮游俠
場豈伊劇孟流袁盎善待之交當稱刎頸焉有搆隙時

思茗齋集卷一

三

尺澤無巨鱗樊壤無仙芝孟酒結兄弟素寧知是誰然
諾輕五嶽肝膽生九疑今日黃金壽明日白刃揮何能
報君父誓死志不移

冷泉

玄蟬號夕林白鳥破秋靄蕭瑟憩石牀萬慮此俱汰忽
聞淅淅冷泉響答虛籟枕流夙願深眞境於我丐

飛來峯歌

君不見仙家蓬萊島佛國靈鷲宮蓮葉臺臺遍湖上長
風更送一座蓮花峯是峯飛歷千世界墮地無聲不破
塊登者愁困疲未知當日如何飛不飛自神王雷電猶

作欲飛狀洞中有洞何玲瓏來時斷拔山根空骨節搖
動不可以盡見但見欲墜不墜之石懸洪鐘忽通細竅
匿光景倦開隻眼尋遺蹤此中疑有身毒寶相佛望之
恍惚雲濛濛上有不生不死之樹無春冬遠隔萬里地
氣同下有飛湍日夕鳴天風峯來千載猶自流無窮我
欲呼慧理問智一卓錫名山其樂誰匹法輪轉歇山飛
停竿牽鐸驅誰乞靈忽疑忽信心魂驚問山山應卽我
聲峯兮峯兮何時挾爾遠飛去使我青鞋布襪踏遍竺
國峯層層

雨後湖上看荷

思茗齋集卷一

古

水風吹澹景我亦來徐徐始信清涼境盡歸閒寂餘人
疑飛入月花更樂於魚遙憶棲川客曠懷秋不如

姚益之秀才將還江南餞別於西湖壑庵卽次題

壁韻

僧齋一夕離筵張芳草欲歇花猶香湖邊水似鴨頭綠
離外月如雞子黃顏牆尙有雪鴻跡佳客總憶尊壘鄉
素心人往我孤陋修名不立徒自傷

吳山言懷

人生貴眞趣得之者偶然讀書亦筌晷何如飽看山五
嶽道苦遠且上吳山巔遠峯若環堵江湖藏其間延佇

樂山性優臥息塵緣對此足歌嘯日夕開心顏

贈橫塘友人

溪轉路疑盡曠然別有天茅茨深竹裏雞犬落花邊飯
熟農先餉書成童懶傳一般慵似我只愛日高眠

幽居

幽居慵自好已過未晨炊門靜掩修竹婦閒鈔小詩乞
花分種上懶泥酒罄杯遲尙有天涯客驅車日暮時

夏日山居

逃暑入深山遂與人事絕高樹貯清陰榮阿散華髮琴
書偶位置花藥已分列款襟對所懽慕義景前哲默坐

思茗齋集卷一

五

生道心相顧各怡悅日夕憺忘歸林表流素月

姚秀才研耘招諸同好納涼大善寺

門對古招提知有清涼境異此隆暑曠曠若修路梗索
居鬱以紆招我惠然肯野水抱荒廚枯藤巖煙艇客來
試茶瓜客去期醅酌紛乃衆妙兼渾忘清晝永夕霽斂
荷香月斜移樹影良會不易逢懂情庶幾騁

題冠白門畫蘭冊

短衣匹馬更思深買是千金報萬金無限幽愁付香草
秋風不死美人心

甲士紗燈耀五千生來妾命儼神仙不知零落生花管

可寫南朝燕子箋

衡臯過訪小山堂卽送歸吳興

跋屨侯門智不足早掩蓬戶守窮獨庭花杯酒與誰同
醉裏悲歌醒自續思君不見三年遲蕉萃容顏異昔時
歡洽頓忘貧與病不談近況談新詩談詩移晷煙生樹
辭我還隨斜日去平橋寂寂鎖春流又是今朝離別處

秋夕偶成

我本悲秋者年年特愛秋高懸一輪月消盡滿腔愁興
到書開卷夜涼人在樓翛然澹塵慮何處觸虛舟

謝友人惠安平泉

思茗齋集卷一

六

曾把黃庭對榻論心閒何事滌塵煩一舂涼月半舂水
柔艣聲來客到門

出山猶似在山清何待聽泉移我情便擬煎茶獻慈母
喜他兩字署安平

于忠肅公祠

鶴嶺狼山下天傾地裂年豎閭一何狡孤掌獨行權教
我由高廟輕君法大賢位登靈武正兵握孔明專鎮重
推元輔艱危策萬全攀轅偏北狩按劍定南遷城下盟
書絕刀頭樂府傳宋朝增歲幣殷鑒在安邊果應初爻
吉疑從五國還龍飛雨帝後鷲走石人前鐵券功誰報

金符事豈便禱祠如左驗露刃已爭先有獄冤三字無
心恨九泉烏噉兒抗疏草宿墓封田東市壺漿香西湖
姣服鮮魂猶戀聖主朝又拜中涓花落香沾碣松深響
奏絃穿墉逃黠鼠泣淚斷愁鵲樵牧誇鄉彥雲初護廟
堦回看奪門者身敗轉淒然

贈小顛

仗佛作神仙逍遙年復年狂來無我相飢不受人憐家
爲逃名棄詩因換酒傳獨留眞面目那有口頭禪

陳白雲

賦有南山看梅之約以病不果兼寄學公

山行有約興飛騰病怯霜寒未敢登五夜月明誰獨立

思茗齋集卷一

七

梅花樹下六朝僧

送何慎齋渡江

慎齋之福用輩皆不如飽看名山讀異書不爾徑醉黃
公壚眼前行樂已如此膝下況有千里之家駒看山忽
厭來看湖湖上青山美如姝煙鬟霧鬢晨夕殊落英著
地綯似毬逾鋪花陰醉臥忘日晡樹頭小鳥猶是呼提
壺春光一去不可通買舟欲渡何爲乎君聞我言增歎
吁世家後嗣往往多蠢愚先代賜書空皮置內則飽蠶
外網蛛終日鼎鼎厭梁肉甚或喧聚聞呼盧更有遺編
散棄私把青錢沾歷觀往事足誠戒用拓隄地成樞盧

父子師弟大小巫有山有酒無煩吾豈知教駒本不同
疲驚勤加督策其無須春光一去不可通買舟竟渡何
爲乎

思茗齋集卷一

太

思茗齋集卷一